

靈寶領教濟度金書卷之一百七十

洞微高士開光救苦真人寧金真授

靈寶通玄弘教水南先生林靈真編

科儀立成品撰修黃錄

預修黃錄謝恩醮儀

步虛 燒香頌

各禮師存念如法

衛靈呪

五星列照 煥明五方 水星却災 木德致昌  
焚滅消禍 太白辟兵 鎮星四據 家國利亨  
名刊玉簡 字錄帝房 乘廳散景 飛騰太空  
出入冥無 遊宴十方 五雲淨蓋 招神攝風  
役使萬靈 上衛仙翁 與道合真

鳴法鼓二十四通

无上三天玄元始三炁太上老君召出臣身  
中三五功曹左右官使者侍香金童傳言玉  
女五帝直符直日香官各三十二人出出者  
嚴裝闢啓玄壇天帝神君當召此間土地里  
域真官正神急上闢啓臣今奉為入意以今  
設醮行道願得

玉清道蒸靈寶妙先下降流入臣等身中即  
使玄壇清淨內外成真天无氛穢地絕妖塵  
琳琅振響十方肅清萬魔不干真誠上徹令  
臣所格速達徑御  
太上无極大道至真玉皇上帝御前

請稱法位

具位奉行生身受度預修黃錄謝恩醮法  
事小兆臣恭與臨壇官衆等謹同誠上啓  
太上无極大道虛无自然元始天尊妙无上  
帝虛皇玉晨大道君妙有上帝萬變混沌玄  
元老君至真大帝玉皇大天尊玄穹高上帝  
紫微中天北極大帝勾陳上官天皇大帝高  
上神霄玉清真王長生大帝東極青華大帝  
后土皇地祇十方靈寶天尊九天生神上帝  
三十二天上帝五靈五老上帝東華上相木  
公青童道君西靈太妙夜光金真聖母元君  
上清十一曜上真道君南辰六闕上真道君  
北極九府上真道君二十八宿星君泰玄樞  
機三省諸相天君三元三官帝君北極四聖  
真君玄中大法師三天大法師靈寶經籍度

三師真君九天諸司真君天曹諸司真君十  
方無極飛天神王五天三界大魔王三天門  
下道化護正定志真君三天門下上章詞表  
靈官三洞三乘經錄法中上聖高真神仙將  
吏五嶽五帝真君五天聖帝北陰鄭都玄天  
大帝東霞扶桑丹林大帝洞天福地增廣治  
化仙官本靖祖玄真師列位真人經籍度師  
列位真人城隍社令土地主執三界官屬一  
切真靈臣聞三寶閣先散太無之梵炁千靈  
拱極敷妙有之元精垂象錯落於青霄流形  
陸離於黃混道貫一元之表粹妙生神人為  
萬物之靈冲和稟命玉宇彰而飛符渺渺金  
書煥而蔭覆玄玄妙矣神機大哉聖化凡屬  
範圍之內悉歸陶冶之中有感斯通無澤不  
被今齋主恭一心疏滄百體澄虛敷黃錄於  
預修欣承帝澤按玄圖而受慶喜拜靈樞曆  
摠采藻之誠恪靈頌奏之敬伏望靈光輝輝  
神景輝華雲路風清迓玲瓏之羽葆霄衛靈  
燦移縹緲之旌幢混丹與綠輦以駉陪會羽  
蓋瓊輪而翼從玄龍上下朱鳳後先俯迓降

於玄壇仰曲矜於丹橋且下情無任之至謹  
稽首再拜奏請

請聖

三界衆真興筵列聖通伸拜請諒沐光臨請  
各整於仙班共祇迎於

帝馭

降九位

駕與至止鶴駕臨軒與應衆真如儀朝禮朝  
禮既周請陞懸席齋主上香設拜初進酒

初獻

重稱法位

具位且謹重誠上啓

三清上聖十極高真玄宮之尊帝真靈方厚  
之神祇主執懸筵內外一切威靈且開金闕  
穆清擁神光而鬱勃玉京遠漢煥靈景以彌  
羅蕭臺疑七寶之輝妙庭貫三華之彩玉林  
燁燁耀流日而朱實離離喬樹琳瑯散靈風  
而翠葩夾夾雲霞離合日月旋飛結紫烟以  
成宮流絳霞而作蓋九光迴運中凝浩劫之  
尊萬烝歲誕上拱虛无之聖五靈洞煥八景

流明无形无名雖混真精而獨運有溢有衆  
常乎妙炁以同流慈風披九地之遙法兩潤  
八荒之大至化所化自然而然惟昭作善之  
符斯契降祥之應且等玄樞快觀道紀親參  
莫超近以回靈尚棲邊而混俗憲天弘道誓  
殫金石之誠佐國立功敢叛丹青之信况奉  
詞旨所合關聞

宣詞

按如詞旨備殫衷素今齋主且省躬改過勵  
志析恩念稟炁太无常逐化機而展轉致流  
形妙有每隨業網以經營百年彈指於駒意  
萬劫驚心於蟻磨匪析洪既曷副丹衷若稽  
度命之經書爰按升神之簡策壇崇虛梵爰  
啓玄虛壁真五靈露寸天而玉立繒羅十極  
借尺地以球鳴殫肘行膝步之恭登目迴心  
馳之敬龍符耀景佩三洞之瓊文鳳戒疏華  
膺九真之琅訓內超玄祖外拯冤仇開方來  
福慶之期巍巍神力廓見在愆救之會赫赫  
威靈蒙曲鑒於蟻恍荷直頒於鴻澤九朝禮  
聲星拱北而齋福周圍一念仁充水東流而

宸釐履隆允拜玉成之造敢忘金潔之忱恭  
稷非馨誠僭殫於萬一芻蕘可采詞敢罄於  
再三伏願聽卑不遺臨下有赫流洪恩於惠  
靈迨玄憲於飛霆俯鑒享帝之筵曲御事天  
之璋瓊章神變舞翠掌以流金瑤笈飛玄燦  
珠簫而耀玉風葆舞天花之影雲笙奏鈞樂  
之音香霧霏烟散乾坤之瑞色龍慈寶霧煥  
經緯之靈輝混萬聖以特散羅千真而日鑿  
且下情無任不勝虔祝之至

亞獻

重稱法位

具位且謹同誠上啓

三清上聖十極高真玄宮之尊帝真靈方厚  
之神祇主執懸筵內外一切威靈且開八威  
龍文微妙發天光之瑞九霄鳳烝希夷騰聖  
彩之祥彰經緯而空碧凝真運雌雄而玄丹  
混景英元階拱胤三素之霏烟儀璘傍招挹  
五華之寶曜內飛騰於神景外辟斥於魔靈  
九夜幽家乘晨輝而啓旦五靈陰翳飛朝景  
以開春孰非元始之金光普煥靈虛之絳彩

教分三洞羅敷祖炁之玄道貫一乘洞煥神功之粹天人共仰今古咸宗今齋主某顯天激切扣地動集劍履趨朝幸聲由中之禱筮遵設席重輝事上之忱伏願淵聽昭回慈觀寂感煥金難於閭闔歷關諸天飛丹鳳於鸞羅普告三界勅北單風澤之境勒東岱日觀之區黑簡削名尸累風晞於朝露青編紀宇冤愆雲散於秋蟾開丹火以登圖宣朱陵而移籍五福天錫此生之步武高華十善日躋他世之精神逸邁運應歸於滅度魂即證於超凌與道合真不經幽暗隨劫受化常觀光明明蒙旌絲粟之芹允拜嵩瀛之造更願松蘿有耀蓬華生輝七葉連榮濟世耀堆床之芴五枝挺秀傳家華挿架之藪香凝澗藻以生春祥擁棠椿而不夜幸歡聲於院宇來喜炁於家庭道日開明玄風披拂戶等駕班綴武猊座承顏威儀自然慮觸四司之霜簡存念如法懼書五帝之風章惟三省以冰兢極九思而芒負寶希涵育實戴生成上願七部流華三乘凝妙乾樞清晏坤軸澄寧風雨均調

煥寶光於七緯山川靜謐凝瑞氣於百昌莘耕田鑿井之歡遂戾天躍淵之樂燦煌道影斑瀾躡幽壑神僚詣朱宮而校績安關靈識登青府以朝真凡居陰暗之鄉均陟陽明之界蒼蒼正色莫殫肅敬以神交渺渺大羅莫鑿克誠而蒸合恪陳三獻廣罄千勤下情無任不勝懇禱之至

終獻

重稱法位

具位且某謹重誠上啓

三清上聖十極高真玄穹之尊帝真靈方厚之神祇主執醮筵內外一切威靈且開旋無色疑無淵函圓方而明照親有德享有道貫幽顯以流管藉皇極之裁裁沛洪恩之蕩蕩光明潛下願旌几奏之勤恍惚質旁諒雪階升之瀆玉成有賴錦覆無垠以今薦獻誠周對揚禮畢蓮炬暗龍缸之燼蕭烟消鳳鼎之華壁磬聲沉瓊鐘韻冷前瞻翠節將返景以璇霄後矚朱幢行迴光於瑤極月駟遙迤而旁邁雲龍搖曳以高征三界旋班諸天復位

運元會道百神混合於泥丸入妙鏡真萬炁虛圓於玄牝且躬辭聖陞迹履塵關三沐三熏莫躋攀於法從再瞻再諾惟遊泳於恩波且下情無任不勝激切攀戀之至再拜奉送存神燒香

香官使者左右龍虎君侍者諸靈官當令且設醮之所自然生金液丹碧芝英百靈聚真交會在此香火爐前令且學道得道求仙得仙齊官獲福幽顯沾恩十方仙童玉女侍衛蘭煙傳且向來所啓達達運御

太上無極大道至真玉皇上帝和

回軒頌

回軒五雲輿 騰駕九章歌 倏忽冲天速 醮壇香氣多 玄恩覃宇宙 福祿遍山河 緬想神仙路 逍遙上大羅

送聖

靈寶領教濟度金書卷之一百七十